



Broj: 05-07/01-30-78/26
Dana: 09.03.2026. godine

Na osnovu člana 72. i 73. Zakona o državnoj službi u Unsko-sanskom kantonu („Službeni glasnik USK-a“, broj: 14/17, 15/20 i 27/25), Ministar Ministarstva unutrašnjih poslova Unsko- sanskog kantona Bihać, objavljuje:

JAVNI OGLAS
Za prijem namještenika na neodređeno vrijeme
u Ministarstvo unutrašnjih poslova

I - Naziv radnog mjesta:

SEKTOR ZA PRAVNE POSLOVE
Odsjek za administraciju Sanski Most

- *Viši referent za registriranje motornih vozila u Odsjeku za administraciju Sanski Most, Sektora za pravne poslove, Ministarstva unutrašnjih poslova – 1 (jedan) izvršilac;*

II - Opis poslova radnog mjesta:

- ***Viši referent za registriranje motornih vozila u Odsjeku za administraciju Sanski Most:***
 - 1) Zaprimanje zahtjeva i obrađivanje podataka o vozilima koja se registriraju prvi put, obavljanje poslova produženja važenja registriranog vozila, odjava vozila, promjene vlasništva nad vozilom, promjene podataka o vozilu, izdavanje potvrde o registriranju vozila, potvrde o vlasništvu, registarske tablice, probne registarske tablice i stikere;
 - 2) prikupljanje, sređivanje i obrada podatke koji se dostavljaju statistici, a odnose na zaprimljene zahtjeve za registriranje motornih vozila;
 - 3) vršenje razmjene podataka sa drugim organima uprave, a vezano za provjeru podataka o registriranim motornim vozilima državljana BiH, stranaca sa odobrenim privremenim i stalnim boravkom u BiH, kao i ustrojavanje i vođenje baze podataka, a vezano za registrirana motorna vozila;
 - 4) vođenje službenih evidencija o registriranim i objavljenim motornim vozilima, ažuriranje i izdavanje uvjerenja i drugih akata o činjenicama iz službenih evidencija, a vezane za registrirana i objavljena motorna vozila;
 - 5) poslovi kancelarijskog i arhivskog poslovanja vezani za obrađene zahtjeve za izdavanje potvrda o registriranju i potvrda o vlasništvu vozila;
 - 6) obrada materijala na računaru po prepisu ili diktatu, vođenje i ažuriranje baze podataka i izrada izvještaja i drugih akata o podacima iz baze podataka;
 - 7) obavlja i druge poslove po nalogu neposrednog rukovodioca.

III - Uvjeti za prijem namještenika:

Pored općih uvjeta predviđenih članom 76. Zakona o državnoj službi u Unsko-sanskom kantonu („Službeni glasnik USK-a“, broj: 14/17, 15/20 i 27/25), kandidati moraju ispunjavati i posebne uvjete utvrđene Pravilnikom o unutrašnjoj organizaciji Ministarstva unutrašnjih poslova Unsko-sanskog kantona, broj: 05-01-02-48/17 od 05.10.2018. godine i Pravilnikom o izmjenama i dopunama Pravilnika o unutrašnjoj organizaciji Ministarstva unutrašnjih poslova Unsko-sanskog kantona, broj: 05-01-02-48/17 od 19.09.2019. godine, od 02.12.2019. godine, od 29.12.2021. godine, od 14.06.2022. godine, od 05.08.2022. godine, 19.07.2024. godine i 05.02.2025. godine, za koja je raspisan Javni oglas.

Opći uvjeti za prijem namještenika.:

- 1) da je državljanin Bosne i Hercegovine;
- 2) da je starije od 18 godina;
- 3) da je zdravstveno sposobno za obavljanje poslova utvrđenih za to radno mjesto (*odnosi se samo na odabranog kandidata*);
- 4) da ima odgovarajuću vrstu i stepen školske spreme;
- 5) da u posljednje dvije godine od dana objavljivanja oglasa nije otpušteno iz organa državne službe kao rezultat disciplinske kazne na bilo kojem nivou vlasti u Federaciji, odnosno u Bosni i Hercegovini;
- 6) da nije obuhvaćeno odredbom člana IX.1. Ustava Bosne i Hercegovine;
- 7) da se ne vodi krivični postupak protiv te osobe (*odnosi se samo na odabranog kandidata*).

Posebni uvjeti za radna mjesta

- *Srednja stručna sprema IV stepen, gimnazija, upravna, ekonomska, medicinska i tehnička škola*
- *Položen stručni ispit;*
- *10 (deset) mjeseci radnog iskustva;*

IV - Prijava na Javni oglas:

Kandidati su obavezni, uz potpisanu prijavu na Javni oglas, dostaviti **originale** ili **ovjerene fotokopije** sljedeće dokumentacije i to:

- Prijavu na Javni oglas sa kratkom biografijom i kontakt - podacima (adresa i broj telefona);
- Izvod iz Matične knjige državljana (uvjerenje o državljanstvu);
- Diploma/svjedodžba o završenoj stručnoj spremi odgovarajućeg smjera tražena Javnim oglasom;
- Uvjerenje o radnom iskustvu;
- Dokaz o položenom stručnom ispitu;
- Ovjerena izjava da kandidat/kandidatkinja u posljednje dvije godine od dana objavljivanja javnog oglasa nije otpušten/a iz organa državne službe kao rezultat disciplinske kazne na bilo kojem nivou vlasti u Federaciji Bosne i Hercegovine, odnosno Bosne i Hercegovine;
- Ovjerena izjava da kandidat/kandidatkinja nije obuhvaćen/a odredbom člana IX.1. Ustava Bosne i Hercegovine;

V - Napomene kandidatima:

- Izabrani kandidat će proći odgovarajuću sigurnosnu provjeru prije zaposlenja, odnosno prije prijema u radni odnos, u zavisnosti od radnog mjesta kojeg obavlja i stepena tajnosti pristupa podacima.
- Kandidat koji bude izabran u obavezi je dostaviti uvjerenje suda da se protiv istog ne vodi krivični postupak i uvjerenje o radnoj sposobnosti (ljekarsko uvjerenje) za obavljanje poslova utvrđenih za to radno mjesto.

- Ukoliko izabrani kandidat nema položen stručni ispit, može se primiti u radni odnos, ali je dužn položiti stručni ispit najkasnije u roku od 6 (šest) mjeseci od dana prijema u radni odnos, u organ državne službe.
- Ukoliko je kandidat/kandidatkinja kategorija lica koje ima prednost pri zapošljavanju, prema odredbama člana 22. i 23. Zakona o dopunskim pravima branilaca i članova njihovih porodica („Službeni glasnik USK-a“, broj: 31/20, 9/23, 27/23 i 15/25) neophodno je da uz prijavu dostavi dokumentaciju propisanu navedenim zakonom.
- Kandidati koji ne budu primljeni u radni odnos po Javnom oglasu mogu svoju dokumentaciju preuzeti po okončanju procedure Javnog oglasa u Odsjeku za kadrovske poslove, Sektora za opće i kadrovske poslove, Ministarstva unutrašnjih poslova.

VI - Rok trajanja Javnog oglasa i adresa podnošenja prijave:

- Javni oglas objavljuje se na oglasnoj ploči i internet stranici Ministarstva unutrašnjih poslova.
- Javni oglas ostaje otvoren **15 (petnaest) dana** od dana objavljivanja na oglasnoj ploči i internet stranici Ministarstva.
- Prijave na oglas sa dokazima o ispunjavanju uvjeta dostaviti u zatvorenoj koverti (sa naznakom radnog mjesta) putem pošte, preporučeno na adresu: **Ministarstvo unutrašnjih poslova, ul. 502. Viteške brigade br.2, 77 000 Bihać** ili lično na protokol **Ministarstva unutrašnjih poslova**.

Prijava na javni oglas „Viši referent za registriranje motornih vozila u Odsjeku za administraciju Sanski Most, Sektora za pravne poslove, Ministarstva unutrašnjih poslova – 1 (jedan) izvršilac;

Neblagovremene, nepotpune i neuredne prijave neće se uzeti u razmatranje.


MINISTAR
Adnan Habibija

502. Viteške brigade br.2, 77000 Bihać, BiH, Tel: +387/37/224-224, Fax: +387/37/221-560
 Web: www.mupusk.gov.ba, e-mail: mupusk@mupusk.gov.ba, info@mupusk.gov.ba